



SIPA upala u Direkciju robnih rezervi FBiH

Istražuju i nestanak robe vrijedne 16 miliona KM!

Osim češljanja dokumentacije o 4,3 miliona KM duga za PDV, predmet istrage i nestanak benzina i pšenice

Pripadnici Državne agencije za istrage i zaštitu (SIPA) u četvrtak su upali u prostorije Federalne direkcije robnih rezervi, gdje su češljali dokumentaciju u vezi s istragom o dugu za PDV u iznosu od 4,3 miliona KM.

Konzervirana hrana

Portparol SIPA-e Kristina Jozić potvrdila nam da se u saradnji s pripadnicima Uprave za indirektno oporezivanje (UIO) BiH u Fe-



JOZIĆ:
Akcija i u Direkciji RS

deratnoj direkciji robnih rezervi obavljaju određene provjere u vezi s poslovanjem. Isto je, dodaje, učinjeno i u Direkciji za robne rezerve RS.

Kako nezvanično saznajemo, fokus istrage pripadnika SIPA-e nisu samo dugovanja po osnovu PDV-a nego i informacije o nestalim zalihama robe u višemilionskom iznosu.

Prikupljaju se, naime, informacije radi dokumentiranja kriminala u vezi s nestankom oko 1,6 miliona litara eurodizela i benzina iz skladišta „Zovko - Oil“ Žepče, u vrijednosti od šest miliona KM, kao i 1.600 tona pšenice vrije-

dne oko milion KM iz MPP „Zlatna dolina“ u Stocu iz 2012. godine.

Također, istražuje se i nestanak konzervi mesa iz skladišta širokobriješke firme „Farmko“, koja je povezana s Lijanovićima. Prema sudskoj presudi iz prošle godine, ova firma dužna je Direkciji isplatiti 1,5 miliona KM zbog nepoštivanja ugovora o skladištenju konzervirane hrane.

„Olakšane“ zalihe

Prema informacijama koje smo dobili od izvora bliskih istrazi, procjenjuje se da je Federalna direkcija robnih rezervi u proteklom godinama zbog nestanka zaliha robe „olakšana“ za čak 16 miliona KM! **A. Du.**

U posljednjem izvještaju Ureda za reviziju institucija u FBiH navedeno je da je Direkcija prošle godine napravila brojne propuste u planiranju nabavki te korištenju robe koja se nalazi u njenom skladištu.



Skladište Robnih rezervi u Sarajevu: Provjera poslovanja